



Nuuk, 11. Oktober 2010

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarniarpunga:

**Naalakkersuisunut apeqqut:**

1. **Januar 2011-imit orsussamut 0,25 øre-imik akitsuuteqalerpat ukua akitsussappat: timmisartumut ilaanermut akiliut, pisiniarfinni pisiassat, imermut kiassarnermut akiliutit, umiarsuarnillu assartuutinik assartuineq.**
2. **Orsussamut 0,25 øre-imik akitsuuteqalerpat allat suut kinguneqaatigissavai?**

(Inatsisartunut ilaasortaqaq Kristian Jeremiassen, Siumut)

**Tungavilersuutit:**

januar 2011-imiit nukissiornermi ikummatissat akitsuutaat pillugit inatsisartut inatsisissaattut Naalakkersuisut siunnersuuteqarput atuutilertussamik.

Siunnersuullu innuttaasunut tamanut aningaasartuuteqarnerulernermik kinguneqartussaavoq pingaartumik akissaatikinnerit sakkortunerusumik eqqorneqartussaammata.

Aningaasartuuteqarnerulertoqaraangat atuisut akiliisinneqartarput, aningaasartuutaanerulersut matussuserneqassappata qularnanngitsumik innuttaasut eqqorneqartussaapput taamaalilluni aningaasartuutaanerusersut matuniarneqartussaammata.

Apeqquteqaatinni paaserusuppara timmisartumut ilaanermut akiliut, pisiniarfinni pisiassat, imermut kiassarnermut, umiarsuarnillu assartuutinik assartuinernullu akiliutut akittussanersut.

Naalakkersuisullu ersarissumik nassuiaaquara 0,25 øre-imik akitsuummik atuutilersitsinermi kinguneqaatissai ersarissaqqullugit

Apeqquteqaat ingerlatitara ullut suliffiusut qulit qaangiutsinnagit akineqarnissaa qinnutigivara.